



Selasa, 22 Juni 2021

Ogen: Pengerana 5:13-20



Pusuh si Idemi Keriahen



Adi sen banci erhanca kalak ermalem ate, tentu mamang ateta engkai maka mbue kalak bayak ndai ngujung geluhna alu bunuh diri. Adolf Meckler kalak sibayakna i Jerman tabrakkenna bana ku kereta api. Perende-rende Michael Jackson inemna obat penenang seh lewat dosis, Marylin Monroe bunuh diri over dosis inemen ras obat penenang seh mate. Si sangana panas pe beritana reh ibas selebriti tanah air, sekalak pengacara ras ndeharana br Tarigan, mbue kelertana tapi pudu metua la ersada arihna. Kai kel nge situhuna si jadi palas gelahna lit kemalemen ate ibas kita.

Kinatana sekalak si erdahina lu bujur, kenca dung erdahin mulih ia ku rumah, erguro-guro ras isi jabu, jenari entabeh akapna tunduh. Tapi kalak bayak la banci tunduh perbahan mbiar ia kena musibah ntah lit kelepak nta pertakin simerugiken ia ras ngkeriken senna. Alu la isedarina maka kerina siiyakina e man tadingenken nge pagi. Denggo seh paksana 2x1 ngenca inganta, kai pe la lit sibaba. Emaka ndauh nge padin ndarami erta surga asangkan erta doni enda.

Adi ibere Dibata kita kengasupen ndahiken dahinta secara jujur ras payo maka dahikenlah dahinta alu tutus. Tapi ula kita lupa maka e pe pemere Dibata kap. Ngataken bujur ras berhikmat makeken rejeki si lit. La lupa keluarga, kalak musil, siperlu penampat bage pe nerapken pasu-pasu singgo sialoken jadi pengataken bujur man Tuhan eme upayanta nggeluh guna mpepulung erta sorga.

Sen, jabatan, popularitas labo ilarang Dibata, adi payo akapna ras ngasup kita iberekenNa nge rikutken paksana, tapi ola siakap maka e nari ngenca sumber kemalemen ateta. Kengasupenta ngataken bujur, menikmatisa ibas pengataken bujur man Tuhan, jadi tolak ukur kemalemen ate situhu-tuhu, si la erkeri-kerin siibaba kita pagi jumpa ras Dibata.

➤ Daramilah lebe kinirajanNa, maka malem ateta